

Morning Dogri (NSD) National News Bulletin 17-04-2025

आकाशवाणी

- बंदगाहें, जहाजरानी ते जलमार्ग सरबन्धी मैह्कमें दे केन्द्री मंत्री सरबानंद सोनोवाल होरें आखेआ जे आईएमईसी कुलसंसारी संपर्क सुविधाएं च बड्डी भूमका नभा'रदा ऐ।
- सरकार नै क्रिटीकल मिनरल मिशन तैह्त् आला दर्जे दे केन्द्र स्थापत करने लेई दिशा निर्देश जारी कीते न।
- सुप्रीम कोर्ट च वक्फ संशोधन कनून 2025 पर सुनवाई अज्ज परतियै शुरू होग।
- विश्व कारोबार संगठन डब्ल्यूटीओ नै अमरीकी राष्ट्रपति डोनाल्ड ट्रंप आस्सेआ बाद्ध शुल्क लाए जाने दे परिणाम स्वरूप कुलसंसारी कारोबार च गिरावट आने दी संभावना जताई ऐ।
- आईएसएसएफ प्रतियोगिता च इंदर सिंह सुरुचि ते सौरभ चौधरी नै मिक्स्ड टीम वर्ग च सुन्ने दा तगमा जित्तेआ ऐ।
- आईपीएल टी-20 च दिल्ली कैपिटल्स ते राजस्थान रॉयल्स गी इक रोमांचक मकाबले दरान सुपर ओवर च हराया।

<><><><><><>

IMEC

बंदगाहें, जहाजरानी ते जलमार्ग सरबन्धी मैह्कमें दे केन्द्री मंत्री सरबानंद सोनोवाल होरें आखेआ जे बंदरगाहें ते मैत्री जनेह् डिजिटल मंच दे विकास कन्नै भारत आधुनिक समुंद्री क्रांति दी अगुआई करारदा ऐ। नमीं दिल्ली च कल्ल भारत-मध्य पूर्व-यूरोप (आईएमईसी) शिखर सम्मलेलन 2025 च बोलदे होई सोनोवाल हासेरें आखेया जे आईएमईसी कुलसंसारी संपर्क सुविधाएं च बड्डी भूमका नभा'रदा ऐ। उनें आखेया जे आईएमईसी निरंतर ते सुरक्षित कारोबारी रस्ते राएं भारत-मध्य पूर्व-यूरोप बश्कार कुलसंसारी संपर्क गी तगड़ा करारदा ऐ।

<><><><><><>

Mining Minister

खनाने सरबंधी मंत्रालय नै नैशनल क्रिटिकल मिनरल मिशन दे तैहत आला दर्जे दे केन्द्र खडेरने दे दिशा निर्देश जारी कीते न। एह महत्वपूर्ण खनिजें दे बारे च शोध अनुसंधान ते टेक्नालजी दे विकास दी दिशा च इक बड़ी गै महत्वपूर्ण गैह ऐ। जेहड़ा इस मिशन दी कामयाबी लेई अत्त लाजमी ऐ। महत्वपूर्ण खनिज इलैक्ट्रानिक्स, रक्षा ते अंतरिक्ष जनेए उन्नत प्रौद्योगिकी ते रणनीतिक क्षेत्रें दे कन्नो कन्नी साफ सुथरी ऊर्जा ते आओजाई दे साधने च बदलाव कन्नै जुड़े दे नमें क्षेत्रें लेई अहम आपूर्ति श्रृंखला गी तैआर करने च मदद करदे न। मंत्रालय नै आखेआ ऐ जे सिलसिले च इक कोने शा दूए कोने तगर टेक्नालजी गी तैआर करने, दस्सने ते ओहदा इस्तेमाल करने दी पूरी प्रणाली दे नजरियै कन्नै अनुसंधान ते विकास कीता जाना बड़ा जरूरी ऐ।

<><><><><><>

SC

सर्वोच्च अदालतै वक्त संशोधन कानून 2025 गी चुनौती देने आहली याचिकाएं पर सुनवाई करदे होई इस पर कोई अंतरिम आदेश जारी नेई कीता ऐ। एहदे शा पैहले केन्द्र सरकार नै सुप्रीम कोर्ट आसेआ पुट्टे गेदे त्रै बिंदुएं उपपर अपनी दलीलां तैयार करने लेई होर समां मंगेया हा। प्रधान न्यायाधीश संजीव खन्ना ते न्यायमूर्ति संजय कुमार ते न्यायमूर्ति वी.के. विश्वनाथन हुंदी पीठ ऐकड़ी याचिकाएं दी सुनवाई करै करदी ऐ। हून सर्वोच्च अदालत इस मामले उपपर अज्ज दपैहरी 2 बजे परतियै सुनवाई करोग।

<><><><><><>

Bihar

बिहार दी राजधानी पटना च अज्ज दपैहरी कांग्रेस ते राष्ट्रीय जनता दल (आरजेडी) राज्य च औंदे विधानसभा चुनाएं गी दिखदे होई महत्वपूर्ण बैठकां कराइयां न। ग्रैंड एलॉन्स दे सब्बै 6 प्रमुख कीमती दल इस बैठक च शामिल होंगन। इस बैठक च आरजेडी लीडर तेजस्वी प्रसाद यादव, कांग्रेस दे राज्य प्रभारी कृष्णा अल्लावरू, बिहार प्रदेश कांग्रेस कमेटी दे अध्यक्ष राजेश कुमार, विकासशील इंसान पार्टी ते खबबे पक्खी पार्टी दे वरिष्ठ लीडर शामिल होंगन। बैठक च विधानसभा सीटें दी बं, मेदवारें उपपर चर्चा कीती जाग। आरजेडी नै अगगै गै तेजस्वी प्रसाद यादव पार्टी दे मुख्यमंत्री दे तौरा पर पेश करी दित्ता ऐ।

एहदे इलावा पशुपति कुमार पारस हुंदी अगुवाई आली राष्ट्री लोक जन शक्ति पार्टी गी ग्रैंड एलॉन्स च शामिल करने बारे बी चर्चा कीती जाग। बिहार विधानसभा चुनाएं गी दिखदे होई ग्रैंड एलॉन्स दी एह पैहली बैठक ऐ जदके दुए पाससै एनडीए गठबंधन नै अपने सब्बै 5 म्याल दलें कन्नै केई गेड़ें दी बैठक करी लैती ऐ।

<><><><><><>

Global Trade

विश्व बपार संगठन डब्ल्यूटीओ नै 2025 ते 2026 लेई बपार अनुमान जारी कीते न। इनें अंदाजे च अमरीकी राष्ट्रपति डोनाल्ड ट्रंप हुंदे आस्सेआ लाए गेदे आयात टैक्सें कारण इस ब'रे विश्व बपार च खरी मती गिरावट औने दी शेंका जताई गेदी ऐ। डब्ल्यूटीओ दिएं महानिदेशक एन.गोह.सी.ओह—कोइन जोइ ई वायला होरें आखेआ ऐ जे चीन ते अमरीका बशकार बपार पर बने दा दवाब इक गंभीर चिंता आली गल्ल ऐ। उनें आखेआ जे डब्ल्यूटीओ गी दौनें मुखे बशकार माल समेयान ते सेवाएं दा बपार 81 प्रतिशत तगर घट्ट होने दी शेंका ऐ। स्मार्ट फोन जनेए उत्पादें लेई दित्ती गेदी हाल दी छूट दे बगैर एह घाटा 91 प्रतिशत होई सकदा ऐ। उनें आखेआ जे अमरीका ते चीन बशकार बपार च इन्नी कमी दौनें मुखे दे सरबंध भलेया खत्म करने कोला घट्ट खतरनाक होई ऐ।

<><><><><><>

IMD

मौसम विभाग नै मुखे दे केई हिस्सें च उसम दे कन्नै बड़ी गर्मी पौने दी संभावना जताई ऐ। विभाग नै राजस्थान, गुजरात, केरल, माहे, मध्य महाराष्ट्र, मराठवाड़ा च बड़ी मती गर्मी दे सार दस्से न। जदके बिहार, असम ते मेघालय च भारी बरखा दी संभावना जताई ऐ। एहदे इलावा सिक्किम, झारखंड, ओडिशा, नागालैंड ते मणिपुर च बी गर्मी होई सकदी ऐ।

<><><><><><>

ED

माली नियम कायदे लागू करने सरबंधी निदेशालय ईडी जमीन सौदे कन्नै जुड़े दे काले धनें गी वैध पैहे च तब्दील करने आले मामले व, वरिष्ठ कांग्रेसी लीडर सोनिया गांधी हुंदे जोआई रॉबर्ट वाड्रा कोला पुच्छ गिच्छ अज्ज उपरोतली त्रीए रोज बी जारी रखोग।

इस मामले च वाझा हुंदे कोला पुच्छ गिच्छ नमीं दिल्ली च कीती जा'रदी ऐ। एह मामला वाझा हुंदी कंपनी आस्सेआ गुरुग्राम च जिमीं दी खरीद कन्नै जुड़े दा ऐ।

<><><><><><>

Shooting

पेरू च खेड़डे जा'रदे नशानबाजी दे आईएसएसएफ विश्व कप च इंदर सिंह सुरुचि ते सौरभ चौधरी दी भारतीय जोड़ी नै 10 मीटर मिक्स्ड एयर पिस्टल मकाबले च सुन्ने दा तगमा जित्तेआ ऐ। फाइनल मकाबले च भारतीय जोड़ी नै ची नदी कियानक्सुन याओ ते काई हू दी जोड़ी गी 17-9 कन्नै हराइयै सुन्ने दा तगमा अपने कब्जे च कीता। एहदे शा पैहले ओलंपिक पदक जित्ती चुकी दी मनुभाकर ते रविंदर सिंह दी जोड़ी नै कैह दे तगमे लेइ होए दे मकाबले च ची नदी क्यूआनकेभा ते यिफान झांग दी जोड़ी कोला हारी गई। अज्ज होने आले महिलाएं दे फाइनल मकाबले च राजया ढिल्ली सुन्ने दा तगमा हासल करने लेई मदान च उतरग। एह मैच भारतीय यमें मताबक दपैहरी डेढ़ बले शुरू होग।

<><><><><><>

IPL

आईपीएल क्रिकेट च मुंबई दे वानखेडे स्टेडियम च अज्ज सनाराइजर्स हैदराबाद दा मकाबला मुंबई इंडियन्स कन्नै होग। मैच संजा साढ़े 7 बजे शुरू होग। तोआई कल संजा दिल्ली दे अरुण जेटली स्टेडियम च खेड़डे गेदे इक मैच च दिल्ली कैपिटल्स नै राजस्थान रॉयल्स गी दिलचस्प सुपर ओवर च हराई दित्ता। पैहले बल्लेबाजी करदे होई दिल्ली दी टीम नै 20एं ओवरें च 5 विकटें दे नुक्सान पर 199 रंज बनाए जेहदे परते च राजस्थान रायल्स नै बी पूर 20एं ओवरें च 4 विकटें दे नुक्सान पर 188 रंज बनाए, मैच टाई होई गेआ। आईपीएल दे नियमें मूजब फही सुपर ओवर कराया गेआ जेहदे च राजस्थान छड़े 11 रंज गै बनाई सकेआ ते दिल्ली कैपिटल्स नै 4 गेदें च गै जित्त अपना नां करी लैती। इस सीजन दा एह पैहला मैच हा जेहदे दवै टीमां बरोबरी पर रेइयां ते सुपर ओवर कराना पेआ।

<><><><><><>